

«14» մարտի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով «ՎԱԿԱ ԿՈՐՊՈՐԵՅՇՆ» ՍՊԸ-ի տնօրեն Կարեն Արծվիի Մարտիրոսյանի (նույն.քարտ՝ 006174320, Լոռու մարզ, ք.Վանաձոր, Տերյան փողոց, շենք 6, բն. 23) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ՀՄՎ մաքսային գործառնությունների բաժնի գլխավոր մաքսային տեսուչի կողմից իրականացված մաքսային հսկողության արդյունքում պարզվել է, որ «ՎԱԿԱ ԿՈՐՊՈՐԵՅՇՆ» ՍՊԸ-ի տնօրեն Կարեն Արծվիի Մարտիրոսյանը թիվ 05100040/300123/0000617 ապրանքների հայտարարագիրը լրացնելիս 31-րդ սյունակում ապրանքի նկարագրությունը նշել է «ՄԱՐԴԱՍԱՐ ԱՎՏՈՄԵՔԵՆԱ ԲԵՆԶԻՆԱՅԻՆ ՇԱՐԺԻՉՈՎ, MERCEDES-BENZ GLE 400D, սակայն պետք է նշեր «ՄԱՐԴԱՍԱՐ ԱՎՏՈՄԵՔԵՆԱ ԴԻԶԵԼԱՅԻՆ ՇԱՐԺԻՉՈՎ MERCEDES-BENZ GLE 400D 2.9L 2022թ, DIESEL VIN: W1N1671231A752966», իսկ 41-րդ սյունակում չափման միավորը նշել է 3000 խ.սմ, սակայն պետք է նշեր 2900 խ.սմ: Վերոնշյալ ոչ ճշգրիտ տեղեկությունները ներկայացնելու արդյունքում չհաշվարկված (պակաս հաշվարկված) կամ չվճարված (պակաս վճարված) մաքսային վճարներ, մաքսային մարմինների կողմից գանձվող այլ հարկեր, տուրքեր և վճարներ (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չեն առաջացել:

Փաստի առթիվ 10.02.2023 թվականին ՀՄՎ մաքսային գործառնությունների բաժնի գլխավոր մաքսային տեսուչի կողմից «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ:

«ՎԱԿԱ ԿՈՐՊՈՐԵՅՇՆ» ՍՊԸ-ի տնօրեն Կարեն Արծվիի Մարտիրոսյանը karenm100@mail.ru/ էլեկտրոնային փոստով պատշաճ ծանուցվել է գործի քննության օրվա, վայրի և ժամի մասին, սակայն գործի քննության չի ներկայացել, գրավոր որևէ դիրքորոշում կամ բացատրություն չի ներկայացրել:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 316-րդ հոդվածի 2-րդ մասի համաձայն՝ սույն հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով:

«Մաքսային կարգավորման մասին» ՀՀ օրենքի 316-րդ հոդվածի 1-րդ մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

Վարչական վարույթի շրջանակներում պարզվել է, որ «ՎԱԿԱ ԿՈՐՊՈՐԵՅՇՆ» ՍՊԸ-ի տնօրեն Կարեն Արծվիի Մարտիրոսյանի նկատմամբ Հյուսիսային մաքսատուն-վարչության կողմից 23.01.2023 թվականի թիվ 83 որոշմամբ կիրառվել է վարչական տուգանք:

Հաշվի առնելով, որ «Մաքսային կարգավորման մասին» ՀՀ օրենքի 316-րդ հոդվածի 2-րդ մասով նշված պայմանները պահպանված են և ղեկավարվելով «Մաքսային կարգավորման մասին» ՀՀ օրենքի 334-րդ հոդվածի 1-ին մասի 1-ին ենթակետով՝

ՈՐՈՇԵՑԻ

1. Կարեն Արծվիի Մարտիրոսյանին «Մաքսային կարգավորման մասին» ՀՀ օրենքի 316-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **10000 ՀՀ դրամ**:

2. Որոշման մասին հայտնել Կարեն Արծվիի Մարտիրոսյանին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված փուլանքի վճարման հաշվեհամարն է. **900005024055՝ 10000 ՀՀ դրամ, նշել 30 կողմ:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ